

Abogadonan di van der Sloot a apela pa nan haya mas documento y grabacion cu fiscal si ta haya




ORANJESTAD (AAN): Ayera abogado de Bie a presenta na corte conhuntamente cu su cliente Joran van der Sloot, pa un caso di apelacion. Segun de Bie, algun tempo pasa e conhuntamente cu e otro abogadonan di Joran a haci un peticion na huez, pa

nan haya mas documento y copianan di grabacion di e interrogacion, den e caso di desaparicion di Natalee Holloway.

Esaki a worde rechaza, pues e abogadonan di van der Sloot a apela esaki.

Prensa a puntra de Bie si e ta sinti cu Fiscal y Procurador General deliberadamente tabata abstene di duna e y su coleganan cierto informacion y otro asuntunan importante den e caso aki. Abogado de Bie a bisa cu esaki ta berdad. Segun abogado de Bie, durante di tratamiento di e apelacion, el a sinti cu su combersacion cu huez y Fiscal a bay positivo, pues e ta kere cu su peticion lo worde honra. El a splica cu Huez lo dicidi riba esaki, Dialuna 2'or.



Prensa a puntra de Bie tambe kico e ta pensa di e echo cu Joran momentaneamente no ta worde interroga asina frecuente mas.

E abogado a bisa cu e no sa kico ta e motibo, sinembargo el a bisa cu quizas nan no tin hopi cos mas pa puntra su cliente.